

精校
斷句

經傳釋詞

凌珊署



增訂

正

博

學

詞

增訂

經傳釋詞卷五

學海堂

高郵王引之著

長沙王啟湘點勘

孔

爾雅曰孔甚也書禹貢九江孔殷史記夏本紀作甚中

今

孫炎注爾雅釋詁曰即猶今也故今亦可訓為即書召誥曰其不能誠于小民

今休又曰王厥有成命治民今休皆謂即致太平之美也某氏傳釋上今休為成今之美下今休為

治民今獲太平之美皆失之呂氏春秋驕恣篇曰齊宣王為大室三年而未能成春居諫王

王曰寡人請今止之秦策曰臣今見王獨立於廟朝矣趙策曰君因言王而重

責之葦之軸今折矣魏策曰樓公將入矣臣今從韓策曰十日之內數萬之衆

今涉魏境燕策曰天下必以王為能市馬馬今至矣史記項羽紀曰吾屬今為

之虜矣鄭世家曰晉兵今至矣伍子胥傳曰不來今殺奢也今字竝與即同義

今指事之詞也考工記輅人曰今夫大車之轅摯墨子兼愛篇曰今若夫攻城

野戰殺身而為名。禮記三年問曰。今是大鳥獸。晉語。今君之所聞也。猶言是君之所聞也。宣十五年公羊傳。是何子之情也。韓詩外傳。是作。今皆指事之詞。家大人曰。今猶若也。禮記曾子問曰。下殤土周葬于園。遂與機而往。塗邇故也。今墓遠則其葬也如之何。今墓遠若墓遠也。管子法法篇曰。君不私國。臣不誣能。正民之經也。今以誣能之臣事私國之君。而能濟功名者。古今無之。今以若以也。

羌

廣雅曰。羌乃也。楚辭離騷曰。衆皆競進以貪婪兮。憑不厭乎求索。羌內恕己以量人兮。各興心而嫉妬。是也。字或作慶。漢書揚雄傳。懿神龍之淵潛兮。慶埃雲而將舉。今本作埃。慶雲乃後人所改。辨見讀書雜誌。張晏曰。慶辭也。今本在下文。慶天類而後人所移。蕭該音義曰。慶音羌。王注離騷曰。羌楚人語辭也。猶言卿何為也。義亦相近。

愁

愁且也。哀十六年左傳。閔天不弔。不愁遺一老。俾屏予一人以在位。杜注曰。愁

且也。王肅注家語終記篇同應劭注漢書五行志曰。慙且辭也。言閔天不善於魯。不且遺

一老使屏蔽我一人也。昭二十八年傳。祁盈之臣曰。鈞將皆死。慙使吾君聞勝

與臧之死也。以為快。慙亦且也。言鈞之將死。且使吾君聞勝臧之死而快意也。

杜以慙為發語之音。於文義未協。

言

言云也。語詞也。話言之言。謂之云。語詞之云。見云字下亦謂之言。若詩葛藟之言。告

師氏言。告言歸。采芣之薄言。采之。薄言皆語詞。後凡稱薄言者。放此。漢廣之言。刈其楚。草蟲之

言。采其蕨。後凡稱言者。放此。放舟之靜言。思之。終風之寤言。不寐。願言。則嚏。簡兮之公

言。錫爵。泉水之還車言。邁駕言。出遊。後凡稱言者。放此。二子乘舟之願言。思子。定之方

中之星言。夙駕載馳之言。至于漕。氓之言。既遂矣。伯兮之言。樹之背。女曰鷄鳴

之弋言。加之。小戎之言。念君子。七月之言。私其縱。彤弓之受言。藏之。庭燎之言。

觀其旂。後凡稱言者。放此。黃鳥之言。旋言。歸。我行其野之言。就爾居。言。歸斯復。大東之

睠言。顧之。荀子宥坐篇引。作眷馬。後漢書劉陶傳。作睠然馬。與然皆語詞。則言亦語詞。小明之興言。出宿。楚茨之言。

抽其棘備言燕私

私都人士之言

從之邁采綠之言韞其弓。翫業之酌言嘗之文

王之永言配命

後凡稱永言者放此

抑之言緡之絲言示之事桑柔之瞻言百里有客之

言授之紱有駟之醉言舞及左傳僖九年之既盟之後言歸于好易繫辭傳之

德言盛禮言恭

謂君子勞謙德盛禮恭也言語詞

皆與語詞之云同義而毛鄭釋詩悉用爾雅

言我也之訓或解為言語之言揆之文義多所未安則施之亦不得其當也

宜儀義

家大人曰宜猶殆也成二年左傳曰宜將竊妻以逃者也六年傳曰不安其位

宜不能久孟子公孫丑篇曰宜與夫禮若不相似然滕文公篇曰不見諸侯宜

若小然又曰枉尺而直尋宜若可為也離婁篇曰宜若無罪焉盡心篇曰宜若

登天然齊策曰救趙之務宜若奉漏甕沃焦釜宜若竝與殆同義

宜助語詞也詩螽斯曰螽斯羽詵詵兮宜爾子孫振振兮宜爾子孫爾子孫也

言螽斯羽則詵詵然矣爾子孫則振振然矣故序曰言若螽斯不妬忌則子孫

衆多也

義曰宜女之子孫使其無不仁厚失之

小宛曰哀我填寡宜岸宜獄宜岸也宜獄獄也

言我窮盡寡財之人。乃有此訟獄之事也。箋云：仍得曰宜，正義云：在上謂之宜，有此訟獄，皆失之。字通

作儀詩。烝民曰：人亦有言，德輶如毛，民鮮克舉之。我儀圖之。維仲山甫舉之。儀

助語。詞儀圖之圖之也。傳訓儀為宜，箋及表記注訓儀為匹，文義皆未安。又通作義。書大誥曰：義爾邦

君。越爾多士尹氏御事。綏予曰：無咎于恤，不可不成。乃甯考圖功。義助語。詞言

爾邦君及爾多士尹氏御事。當安勉我也。猶上文言爾庶邦君越庶士御事矣。

漢書翟方進傳：作子義彼國君。義上加予字，則已不知其為語助。某氏傳解為

施義於汝眾國君臣上下至御治事者，而文益贅設。經言義不言施義也。

可

可猶所也。禮記中庸：體物而不可遺。鄭注曰：體猶生也。易乾文言：君子體仁，足以長人。鄭注：體生也。見

文選陸機贈顧交趾公真詩注可猶所也。不有所遺。言萬物無不以鬼神之氣生也。家大人曰：

不無也。說見不字下萬物皆生於鬼神。是鬼神生物而無所遺也。又曰：大戴禮武王

踐阼篇：席前右端之銘曰：無行可悔，可所也。前有所悔，後不復行，故曰無行所

悔。說苑敬慎篇：作無行所悔，是其證也。又曰：賈子諭誠篇：人謂豫讓曰：子不死

聖專學司

中行而反事其讎何無可耻之甚也言無所耻之甚也史記萬石君傳衛綰自初官以至丞相終無可言言始終一無所言也後漢書竇憲傳燕然山銘茲所謂一勞而久逸暫費而永甯者也文選所作可與所同義故可得訓為所所亦得訓為可互見所字下

幾

幾詞也易屯六三君子幾不如舍王注幾辭也正義曰幾為語辭不為義也

文釋

幾徐音析

周語曰其無乃廢先王之訓而王幾頓乎

幾詞也頓猶廢也言荒服者王先王之訓也今犬戎氏以其職

來王而天子以不享征之是廢先王之訓而荒服來王之禮將從此廢矣故下文遂云自是荒服者不至也韋注訓幾為危頓為敗則是以王為穆王矣下文穆王得狼鹿以歸未嘗危敗也韋說失之莊子徐無鬼篇曰君雖為仁義幾且偽哉又曰非我與吾

子之罪幾天與之也列子仲尼篇曰吾見子之心矣方寸之地虛矣幾聖人也

荀子賦篇曰聖人共手時幾將矣

楊倞注幾辭也

幾其也易小畜上九曰月幾望集解引虞注曰幾其也

今本其作近蓋後人所改案虞注曰坎月離日

兑西震東日月象對故月幾望是虞謂月與日相望非但近於望而已歸妹六五月幾望虞彼注曰幾其也坎月離日兑西震東日月象對故曰幾望與小畜

中孚月幾望同義則小畜中孚幾望之幾亦訓為其可知小畜釋文幾徐音祈正與君子幾不如舍之幾同音蓋亦以為語詞

祈

祈猶是也禮記緇衣引君雅曰資冬祈寒鄭注曰祈之言是也齊西偏之語也

豈幾

豈詞之安也馬也曾也

見廣韻

常語也字或作幾莊子人間世篇曰不為社者且

幾有翦乎

家大人曰幾讀為豈言雖不為社亦豈有翦伐之害乎郭象訓幾為近失之

荀子榮辱篇曰是其為相縣

也幾直夫芻豢稻粱之縣糟糠爾哉

楊倞注幾讀為豈下同

又曰幾不甚善矣哉大略篇

曰利夫秋豪害靡國家然且為之幾為知計哉韓子姦劫弑臣篇曰處非道之

位被眾口之譖溺於當世之言而欲當嚴天子而求安幾不亦難哉

豈猶其也禮記曾子問曰昔者史佚有子而死下殤也墓遠召公謂之曰何以

不棺斂於宮中史佚曰吾敢乎哉召公言於周公周公曰豈不可

家大人曰豈不可其不可也故

鄭注曰言是豈於禮不可不許也釋文吳語曰大王豈辱裁之孟子滕文公篇正義皆以豈為一句不可為一句大誤

曰墨之治喪也以薄為其道也夷子思以易天下豈以為非是而不貴也

家大人曰

豈以為其以為也。也與邪同。夷子以薄葬之道為貴。非其道則不貴之矣。故曰非是而不貴。是字正指薄葬而言。言夷子思以薄葬之道易天下。其以為非此則不貴邪。然則厚葬者。夷子之所不貴。而夷子乃後葬其親。則是其所不貴者。事親也。故下文曰。然而夷子葬其親。厚則是所以所賤事親也。趙注曰。夷子豈肯以薄為非。是而不貴。莊子外物篇曰。君豈有斗升之水而活我哉。秦策曰。子常之也。於語意未合。莊子。外物篇曰。君豈有斗升之水而活我哉。秦策曰。子常宣言代我相秦。豈有此乎。齊策曰。君豈受楚象牀哉。燕策曰。將軍豈有意乎。史記范雎傳曰。孺子豈有客習於相君者哉。魏公子傳曰。我豈有所失哉。李斯傳曰。丞相豈少我哉。豈固我哉。字或作幾。莊子徐無鬼篇曰。非我與吾子之罪。幾天與之也。史記黥布傳曰。人相我當刑。而王幾是乎。徐廣曰。幾一作豈。

蓋

蓋者大略之詞。孝經蓋天子之孝也。孔傳曰。蓋者辜較之辭。辜較猶大略也。常語也。

蓋疑詞也。亦常語也。禮記檀弓。有子蓋既祥而絲屨組纓。正義曰。蓋是疑辭。蓋語助也。漢書禮樂志郊祀歌。神夕奄虞。蓋孔享。顏師古注曰。蓋語辭也。

厥

爾雅曰厥其也常語

厥猶之也書無逸曰自時厥後立王生則逸生則逸又曰自時厥後亦罔或克壽皆謂自是之後也又曰此厥不聽人乃訓之又曰此厥不聽人乃或譖張為幻皆謂此之不聽也

厥語助也書多士曰誕淫厥佚言誕淫佚也立政曰文王惟克厥宅心乃克立茲常事司牧人言文王惟克宅心也

及

爾雅曰及與也常語

家大人曰及猶若也禮樂記曰樂極則憂禮粗則偏矣及夫敦樂而無憂禮備而不偏者其唯大聖乎及夫若夫也又曰及夫禮樂之極乎天而蟠乎地行乎

陰陽而通乎鬼神

上文曰若夫禮樂之施於金石越於山川鬼神聲音用於宗廟社稷事乎山川鬼神

祭法曰及夫日月星辰

民所瞻仰也山林川谷邱陵民所取財用也中庸曰今夫天斯昭昭之多及其

無窮也日月星辰繫焉萬物覆焉及其若其也

言自其一處言之則唯此昭昭之多若自其無窮言之則日月

星辰萬物皆在其中。下文及其廣厚及其廣大及其積累也。管子大匡篇曰。臣聞齊君

惕而亟驕。雖得賢庸必能用之乎。及齊君之能用之也。管子之事濟也。言若齊

君能用之。則管子之事必濟也。尹知章注。及猶就也。非是。老子曰。吾所以有大患者。為吾有

身。及吾無身。吾有何患。言若吾無身也。又曰。取天下常以無事。及其有事。不足

以取天下。言若有其事也。及與若同義。故及可訓為若。若亦可訓為及。互見若

字下。

其

其指事之詞也。常語也。

其狀事之詞也。有先言事而後言其狀者。若擊鼓其鏜。雨雪其雩。零雨其濛之

屬是也。有先言其狀而後言其事者。若灼灼其華。殷其雷。淒其以風之屬是也。

其擬議之詞也。易困象傳曰。困而不失其所亨。其唯君子乎。乾文言曰。其唯聖

人乎。聘禮曰。君其以賜乎。隱十一年左傳曰。天其以禮悔禍于許。

其猶殆也。易復象傳曰。復其見天地之心乎。繫辭傳曰。知變化之道者。其知神

之所為乎。又曰：易之興也，其於中古乎？作易者，其有憂患乎？書金縢曰：公曰：體王其罔害。禮記檀弓曰：吾今日其庶幾乎？又曰：將軍文氏之子，其庶幾乎？隱六年左傳：其陳桓公之謂乎？周語曰：王室其將卑乎？其與殆同意，故又以其殆連文。繫辭傳曰：顏氏之子，其殆庶幾乎？是也。

其猶將也。易否九五曰：其亡其亡，書皋陶謨曰：無曠庶官。天工人其代之。湯誓曰：予其大賚女。盤庚曰：天其永我命于茲新邑。微子曰：今殷其淪喪，牧誓曰：稱爾戈比爾干，立爾矛。予其誓。金縢曰：惟朕小子其新逆。康誥曰：爽惟天其罰殛我。酒誥曰：盡執拘以歸于周。予其殺。召誥曰：今天其命哲，命吉，山。命歷年。洛誥曰：茲予其明農哉。詩蟋蟀曰：今我不樂，日月其除。七月曰：其始播百穀。隱十一年左傳曰：吾子孫其覆亡之不暇，而況能裡祀許乎？僖七年曰：鄭將覆亡之不暇。周語曰：其

與能幾何？論語為政曰：其何行之哉？

其猶尚也。庶幾也。書皋陶謨曰：帝其念哉。盤庚曰：其克從先王之烈。金縢曰：我其為王穆卜。康誥曰：其尚顯聞于天。其亦尚也。古人自有複語耳。酒誥曰：其藝黍稷，奔走事

厥考厥長召誥曰上下勤恤其曰我受天命不若有夏歷年式勿替有殷歷年
洛誥曰女其敬識百辟享無逸曰嗣王其監于茲君奭曰君肆其監于茲立政
曰我其克灼知厥若文侯之命曰惟祖惟父其伊恤朕躬詩伯兮曰其雨其雨
杲杲出日其猶庶幾也隱三年左傳曰吾子其無廢先君之功周語曰王其祗被監
農不易

其猶若也詩小閔曰謀之其臧則具是違謀之不臧則具是依禮記文王世子
曰公族其有死罪則磬于甸人其刑罪則纖剗亦告于甸人僖九年左傳曰其
濟君之靈也不濟則以死繼之襄二十三年傳申豐對季武子曰其然將具敝
車而行三十一年傳曰其輸之則君之府實也非薦陳之不敢輸也其暴露之
則恐燥溼之不時而朽蠹以重敝邑之罪

其猶乃也書堯典曰浩浩滔天下民其咨皋陶謨曰撫于五辰庶績其凝又曰
以昭受上帝天其申命用休禹貢曰嶠夷既略濫淄其道又曰淮沂其乂蒙羽
其藝湯誓曰今女其曰夏罪其如台言今女乃曰夏罪其如何高宗彤日曰乃
曰其如台又與此同古者台與何同義說

見台字下。盤庚曰：越其罔有黍稷。越其猶云。洪範曰：使羞其行而邦其昌。言使羞其行而邦乃昌。

又曰：女雖錫之福，其作女用咎。又曰：臣之有作福作威玉食，其害于而家，凶

于而國。又曰：是之謂大同。身其康彊，子孫其逢。逢字絕句，下吉自字。為句說見經義述聞。金縢曰：爾

之許我，我其以璧與珪歸俟爾命。爾不許我，我乃屏璧與珪。其亦乃也。康誥曰：時乃

大明服，惟民其勅懋和。若有疾，惟民其畢棄咎。若保赤子，惟民其康乂。又曰：我

時其惟殷先哲王德，用康乂民。多士曰：予惟時其遷居西爾。洛誥曰：凡民惟曰

不享，惟事其爽侮。又曰：公勿替刑，四方其世享。君奭曰：在昔上帝割申勸甯王

之德，其集大命于厥躬。多方曰：我惟時其教告之，我惟時其戰要囚之。詩：蝥蟊

曰：朝隲于西，崇朝其雨。氓曰：桑之落矣，其黃而隕。蟋蟀曰：蟋蟀在堂，歲聿其莫。

聿，惟也。其猶乃也。七月曰：八月其獲。又曰：二之曰其同，載纘武功。又曰：四之曰其蚤，獻

羔祭韭。沔水曰：我友敬矣。讒言其興。我友敬矣，而讒言乃興，故毛傳曰：疾王不能察讒也。卷伯曰：豈不爾

受。既其女遷，大東曰：杼柚其空。賓之初筵曰：錫爾純嘏。子孫其湛。維清曰：假以

溢我。我其收之。烈文曰：無封靡于爾邦。維王其崇之。念茲戎功，繼序其皇之。無

競維人。四方其順之。不顯維德。百辟其刑之。禮記月令曰。五者備當。上帝其饗。桓六年左傳曰。楚之羸其誘我也。莊二十二年傳曰。五世其昌。竝于正卿。僖五年傳曰。大中成軍。虢公其奔。宣二年傳曰。非馬也。其人也。周語曰。自今至于初吉。陽氣俱蒸。土膏其動。弗震弗渝。脉其滿膏。穀乃不殖。又曰。營室之中。土功其始。晉語曰。喪田不懲。禍亂其興。論語為政篇曰。是亦為政矣。其為為政。其與乃同意。故又以乃其連文。康誥曰。乃其乂民。又曰。乃其速由文王作罰。又曰。女乃其速由茲義。率殺君奭曰。乃其墜命。多方曰。我乃其大罰殛之。晉語曰。彼得政而行其欲。得其所索。乃其釋君。此猶曷可同義。而召誥言曷其奈何。弗敬克堪同意。而多方言克堪用德。維伊同意。而詩頌弁言實維伊何也。

其猶之也。書盤庚曰。不其或稽。自怒曷瘳。康誥曰。朕其弟小子封。詩魚麗曰。物其多矣。維其嘉矣。

上其猶之也。下其則指物之詞。

大戴禮保傳曰。凡是其屬。太師之任也。桓六

年左傳曰。諸侯之大夫戌齊。齊人饋之餼。使魯為其班。成十五年公羊傳曰。為人後者為之子。又曰。為人後者為其子。賈子大政篇曰。故欲以刑罰慈民。辟其

猶以鞭狎狗也。雖久弗親矣。欲以簡泄得士。辟其猶以孤怵鳥也。雖久弗得矣。其與之同義。故其可訓為之之亦可訓為其互見之字下。

其猶甯也。易繫辭傳曰。妻其可得見邪。書盤庚曰。若火之燎于原。不可鄉邇。其猶可撲滅。大誥曰。厥考翼其肯曰。予有後。弗棄基。酒誥曰。我其可不大監撫于時。多士曰。我其敢求位。僖五年左傳曰。一之謂甚。其可再乎。十年傳曰。欲加之罪。其無辭乎。

其更端之詞也。易无妄象辭曰。无妄。元亨利貞。其匪正有眚。書無逸曰。其在高宗。其在祖甲。

其語助也。易小畜初九曰。復自道。何其咎。書大誥曰。予曷其不于前甯人圖功。

攸終。康誥曰。未其有若女封之心。召誥曰。不其延。洛誥曰。叙弗其絕。呂刑曰。其。

今爾何懲。

上文曰。今爾何監。

葉誓曰。馬牛其風。詩君子于役曰。曷其有佻。上文曰。鵠羽。

曰。曷其有所揚之水。曰。云何其憂。正月曰。終其永懷。

終猶既也。說見終字下。

堯柳曰。于何。

其臻。僖十五年左傳曰。以德為怨。秦不其然。晉語曰。多而驟立。不其集也。其字。